

## 名相解釋

### 【首陀會天(淨居天)】

首陀會，譯云淨居。

《大智度論》卷九：

問曰：何以故名為「淨居天」、「梵世天」？

答曰：第四禪有八種：

五種是阿那含住處，是名淨居；

三種，凡夫、聖人共住。

過是八處，有十住<sup>註1</sup>菩薩住處，亦名「淨居」，號大自在天王。

「梵世天」者，生處有三種：一者、梵眾天，諸小梵生處；二者、梵輔天，貴梵生處；三者、大梵天，是名中間禪生處。

註1：此「十住」：新作十地，舊作十住。

《集異門論》卷十四：

復次以無煩天，身無煩擾，心無煩擾。由彼身心無煩擾故；領受寂靜遍淨無漏微妙諸受。故名無煩天<sup>註2</sup>。... (略) ...

復次以無熱天，身無熱惱，心無熱惱。由彼身心無熱惱故；領受寂靜遍淨無漏微妙諸受。故名無熱天<sup>註3</sup>。... (略) ...

復次以善現天，形色微妙，眾所樂觀，清淨端嚴，超過無煩無熱天眾。故名善現天。... (略)

...

復次以善見天，形色轉微妙，眾所轉樂觀，轉清淨端嚴，超過無煩無熱善現天眾。故名善見天。... (略) ...

復次以色究竟天所得自體，於生色趣最勝第一；故名色究竟天。復次此天亦名礙究竟天。礙謂礙身。此是礙身最究竟處。故名礙究竟天。... (略) ...

註2：《楞嚴經》卷九：「苦樂兩滅，鬪心不交，如是一類，名無煩天。」

苦樂兩滅者，離欲界苦及色界樂也。鬪心不交者，若有苦樂，勢必相傾。是猶鬪戰交於內心也。又心受苦境，則與苦苦交鬪。心受樂境，則與壞苦交鬪。今既兩滅。故名無煩。(參考：《楞嚴經集註》卷九)

註3：《楞嚴經》卷九：「機括獨行，研交無地，如是一類，名無熱天。」

「機」，弩牙也。「括」，與筈(ㄎㄨㄛˋ)同，箭受弦處。凡箭弩之發，必欲中的，有研交之地。今捨心獨行，無苦無為。違順之境，譬箭發而交也。既無違順，故無熱中之患。無煩，言其絕外境。無熱，言其絕內心。(參考：《楞嚴經集註》卷九)

《顯揚》二卷九頁云：

若雜修下品世間及無漏第四靜慮者，受無煩淨宮天生果。

若雜修中品者，受無熱淨宮天生果。若雜修上品者，受妙現淨宮天生果。

若雜修上勝品者，受妙見淨宮天生果。若雜修上極品者，受無礙究竟淨宮天生果。

若善修習菩薩無量不思議三摩地所引第十地中第四靜慮者，受出過淨宮大自在天生果。

【紫磨金】（丁福保《佛學大辭典》）

（物名）又曰紫磨黃金。紫者紫色也，磨者無垢濁也。

《涅槃論》曰：「閻浮檀金有四種：一青二黃三赤四紫磨，紫磨金具有眾色。」

後漢·孔融《聖人優劣論》曰：「金之精者名為紫磨，猶人之有聖也。」

《續博物志》曰：「華俗謂上金為紫磨金，夷俗謂上金為陽邁<sup>註4</sup>金。」

註4:《南齊書·東南夷傳·林邑國》：「宋永初元年，林邑<sup>註5</sup>王范楊邁初產，母夢人以金席藉之，光色奇麗。中國謂紫磨金，夷人謂之‘楊邁’，故以為名。」

註5:隋大業元年，隋煬帝遣將軍劉方襲破林邑國都城，並在林邑故地置比景、海陰、林邑三郡。初稱冲州，下轄象浦、金山、交江、南極四縣，州治象浦縣（今越南廣南省維川縣南茶轎），戶一千二百二十。大業三年（607年），改州為郡，更名為林邑郡。但實際隋軍攻破林邑數月後即班師回國，林邑王復其故地，林邑郡已不在隋朝實際控制之中。《隋書·地理志》以大業五年為準依照隋朝行政區規劃，而載有此郡。惟林邑王雖復其故地，但隋朝當時不承認。